

Hauora Kaupae 1

Te Pūrongo Aromatawai ā-Waho 2025



Te Marautanga o Aotearoa
 Te Rā Aromatawai
 Te Momo Aromatawai
 Ngā/Te Paerewa Paetae

Hauora
 9 o Māhuru 2025
 He Tūmahi Aromatawai Pātahi
 92059

Te Wāhanga 1: He Tirohanga Whānui

Ka rawe te pānui e pā ana ki ngā wheako rerekē a ngā ākonga ahakoa he kaupapa harikoa he kaupapa hōhonu rānei. Ko te mea nui, i whiwhi te katoa i tētehi taumata.

He maha ngā paearu hei ārahi i ngā ākonga kia hāngai pū ki te Kaupapa. He tino raeumi tautoko te kiriata whakamārama i te māra kai i Parihaka. I āta wetewete tētehi i ngā kōrero i rangona kātahi ka tūhono i ōna whakaaro ki te oranga ā-tinana, ki te oranga hoki o ngā taonga i tuku iho, pērā i tō tatou reo.

Te Wāhanga 2: He kōrero mō te Paerewa

Paerewa:92059

E kaha ana ngā ākonga ki te tīpako kaupapa noa atu e ai ki te Aromatawai. E rua ngā kōwhiringa he kiriata, he wheako whaiaro e ai ki te ākonga. Hei tauira, te kapa haka, te haerenga ki te Koroneihana me te tangihanga.

E hāngai ana te Aromatawai ki te Marautanga o Aotearoa, me te taumata Kaupae 1. E rua ngā kōwhiringa o tēnei TAPā, he kiriata he kaupapa noa atu. E hīkaka ana ngā ākonga ki te tuhi e pā ana ki te kaupapa i tīpakohia i te mea, he kaupapa ēnei e hāngai ana ki tō rātou ao, arā ko te ao taiohi. Meinga, meinga!

Te Tirohanga:

Pūrongo Paerewa Paetae:

I eke ngā ākonga katoa i te Paerewa Paetae nei.

Ko ngā Ākonga i whakawhiwhia ki te **Paetae** i te paerewa paetae nei:

- i whakaahua i ngā kitenga hei taunakitanga heoi kāore i āta kōrero mō te hononga ki te oranga o ō rātou ake iwi.
- mārama te kite i te reo o te ākonga.
- he māmā tonu te kite i te tāhūhū o tōna tuhituhi.

Ko ngā Ākonga i whakawhiwhia ki te **Kaiaka** i te paerewa paetae nei:

- i tautohu i ngā āhuatanga matua o te whanaungatanga me te hononga ki te oranga.
- i hāngai ngā taunakitanga ki ngā wheako a te ākonga. Kāore i whakawhānui i ō rātou whakaaro me te take i pērā ai.
- kaha ngā ākonga ki te matapaki me te panoni i ōna whēako whaiora e hāngai ana ki te whanaungatanga.

Ko ngā Ākonga i eke ki te **Kairangi** i te paetae nei:

- he tuhinga whānui, āhua whanake hoki te kounga o ngā tuhinga.
- autaiia te rongo i te wairua o ōna whakaaro e pā ana ki te whanaungatanga.
- māia ēnei ākonga te tuhi, te whakatakoto i ōna whakaaro mo te āhuatanga o te whanaungatanga.
- kei runga noa atu ngā ākonga te tautohu, te whakaahua me te whakamārama te whanaungatanga me te hononga ki te oranga.
- He nanakia ngā ākonga ki te whakamārama i ngā āhuatanga matua o te whanaungatanga me te hononga ki te oranga e hāngai ana ki te kaupapa.